

3月16日22: 00。夜读庾信（第二场）。CH: 中国的中世

✨以下编目顺序据逯钦立《先秦汉魏晋南北朝诗·北周诗》卷二、三、四

✨庾信研究还可以参考田晓菲《烽火与流星》、《影子与水文》

### 1、【乌夜啼】

桂樹懸知遠。風竿詎肯低。獨憐（《類聚》作來。）明月夜。孤飛（《類聚》作情。）猶未棲。虎賁誰見惜。禦史詎相攜。雖言（文苑作然。註雲。一作言。）入絃管。終是曲中啼。（○本集二。《類聚》四十二。文苑英華二百六。《樂府詩集》四十七。庾開府詩集下。《詩紀》百十四。）百六。《乐府诗集》四十七。庾开府诗集下。《诗纪》百十四。）

### 2、【奉和山池詩】〔《詩紀》雲。梁簡文有山池詩。〕

樂官多暇豫。望苑暫回輿。鳴笳陵絕限。（本集作浪。詩集作恨。）飛蓋歷通渠。桂亭花未落。桐門葉半疏。荷風驚浴鳥。橋影聚行魚。日落含山氣。雲歸帶雨餘。（○本集三。《類聚》九。文苑英華百六十五。庾開府詩集下。《詩紀》百下五。）

### 3、【遊山詩】〔《詩紀》雲。一作遊仙。〕

聊登玄圃殿。更上增城山。不知高幾裏。低頭看世間。唱歌雲欲聚。彈琴鶴欲舞。澗底百重花。山根一片雨。婉婉藤倒垂。亭亭松直豎。（○本集三。文苑英華百五十九。庾開府詩集上。《詩紀》百十五。）

#### 4、【入彭城館詩】

襄君前建國。項氏昔稜威。駟（音同易）飛傷楚戰。雞鳴悲漢圍。年（詩集作世。《詩紀》雲。一作世。）代殊氓（詩集作民。）俗。風雲更盛衰。水流浮磬動。山暄雙翟（詩集字缺。）飛。夏餘花欲盡。秋近鷓將稀。槐庭垂綠穗。蓮浦落紅衣。徒知日雲暮。不見舞雩（詩集作雲。）歸。（○本集三。文苑英華二百九十七。庾開府詩集下。《詩紀》百十五。又《類聚》二十七引威、圍、衰、飛、稀、衣六韻。）

#### 5、【和趙王送峽中軍詩】

樓船聊習戰。白羽試搗軍。山城對卻月。岸陣（文苑作陳。）抵平雲。赤虵（文苑作地。）懸弩影。流星抱劍文。胡笳遙警夜。塞馬暗嘶群。客行明月峽。猿聲不可聞。（○本集三。文苑英華二百九十九作和趙王從軍。庾開府詩集上。《詩紀》百十五。）

#### 6、【寒園即目詩】

寒園星散居。（詩集作後。）搖（《詩紀》作遙。）落小村墟。遊仙半壁畫。隱士一牀書。子月泉心動。陽爻地氣舒。雪花深數尺。冰牀厚尺餘。蒼鷹斜望雉。白鷺下看魚。更想東都外。群公別二疏。（○本集四。庾開府詩集上。《詩紀》百十六。）

#### 7、【对雨诗】

繁雲猶暗嶺。積雨未開庭。階含侵角路。鑊滿溜疏萍。濕楊生細榘。爛草變初螢。徒勞看蟻對。無事祀靈星。（○本集五。《類聚》二。）

#### 8、【喜晴诗】

比日思光景。今朝始暫逢。雨住（詩集作註。）便生熱。雲晴（詩集作暗。）即作峯。（文苑誤作風。）水白澄還淺。花紅燥（《初學記》作曝。）更濃。已歡無石燕。彌欲棄泥（文苑作土。詩

集作二。)龍。(○本集五。《初學記》二。文苑英華五十五。庾開府詩集下。《詩紀》百十七。)

## 9、【詠樹詩】

交柯乍(文苑作將。註雲。一作乍。)百頃。(《類聚》作傾。)擢本或千尋。楓子留為式。桐孫待(《詩紀》雲。一作持。)作琴。殘核移桃種。空花植棗林。幽居對蒙密。(文苑誤作蜜。)蹊徑轉深沈。(○本集五。《類聚》八十八。文苑英華三百二十六。庾開府詩集上。《詩紀》百十七。)

## 10、【和劉儀同臻詩】

南登廣陵岸。回首落星城。不言臨舊浦。烽火照江明。(○本集六。庾開府詩集下。《詩紀》百十八。)